

REGLUGERÐ FRAMKVÆMDASTJÓRNARINNAR (ESB) nr. 912/2013

2014/EES/36/39

frá 23. september 2013

um framkvæmd á reglugerð Evrópuþingsins og ráðsins (EB) nr. 452/2008 um gerð og þróun hagskýrslna um menntun og símenntun að því er varðar hagskýrslur um mennta- og starfsmenntakerfi (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 452/2008 frá 23. apríl 2008 um gerð og þróun hagskýrslna um menntun og símenntun ⁽¹⁾, einkum 1. mgr. 6. gr.,

og að teknu tilliti til eftirfarandi:

- 1) Í reglugerð (EB) nr. 452/2008 er komið á fót sameiginlegum ramma fyrir kerfisbundna evrópska hagskýrslugerð á sviði menntunar og ævináms á þremur tilgreindum sviðum sem hrint verður í framkvæmd með hagskýrslu-aðgerðum.
- 2) Nauðsynlegt er að samþykkja ráðstafanir til að hrinda í framkvæmd sérstökum hagskýrslu-aðgerðum fyrir hagskýrslugerð um mennta- og starfsmenntakerfi, eins og þær falla undir svið 1 í reglugerð (EB) nr. 452/2008.
- 3) Við gerð og miðlun evrópskra hagskýrslna um mennta- og starfsmenntakerfi skulu innlend hagskýrslufyrirvöld og hagskýrslufyrirvöld á vettvangi Sambandsins hafa hliðsjón af meginreglunum sem settar eru fram í starfsreglum um evrópskar hagskýrslur sem nefndin um evrópska hagskýrslukerfið studdi í september 2011.
- 4) Í framkvæmdarráðstöfunum fyrir hagskýrslugerð um mennta- og starfsmenntakerfi ber að hafa hliðsjón af hugsanlegri byrði á menntastofnanir og einstaklinga og síðasta samkomulagi Hagskýrslustofnunar Menningarmálastofnunar Sameinuðu þjóðanna (e. *UIS*), Efnahags- og framfarastofnunarinnar (e. *OECD*) og framkvæmdastjórnarinnar (Hagstofu Evrópusambandsins) um hugtök, skilgreiningar, gagnavinnslu, tíðni og frest sem veittur er vegna afhendingar niðurstaðna.
- 5) Menningarmálastofnun Sameinuðu þjóðanna (e. *UNESCO*) hefur endurskoðað þá útgáfu alþjóðlegu menntunarflokkunarinnar (e. *ISCED*) sem hingað til hefur verið notuð (frá 1997) með það markmið að tryggja samræmi við þróun í stefnu og skipulagi á menntun og þjálfun.
- 6) Vegna alþjóðlegs samanburðarhæfis hagskýrslna um menntamál er þess krafist að aðildarríkin og stofnanir Sambandsins noti menntunarflokkun sem samrýmist endurskoðuðu alþjóðlegu menntunarflokkuninni frá

2011 (hér á eftir nefnd „alþjóðlega menntunarflokkunin frá 2011“) sem aðildarríki að Menningarmálastofnun Sameinuðu þjóðanna samþykktu á 36. aðalráðstefnu sinni í nóvember 2011.

- 7) Bæta þarf gagnasöfnun frá stjórnsýsluheimildum og öðrum aðilum um hreyfanleika háskólanema á öllum námsstigum í því skyni að fylgjast með framvindu og greina áskoranir, sem og við að leggja sitt af mörkum til gagnreyndrar stefnumótunar.
- 8) Fella ber reglugerð framkvæmdastjórnarinnar (ESB) nr. 88/2011 frá 2. febrúar 2011 um framkvæmd á reglugerð Evrópuþingsins og ráðsins (EB) nr. 452/2008 um gerð og þróun hagskýrslna um menntun og símenntun að því er varðar hagskýrslur um menntun og starfsmenntakerfi⁽²⁾ úr gildi.
- 9) Ráðstafanirnar, sem kveðið er á um í þessari reglugerð, eru í samræmi við álit nefndarinnar um evrópska hagskýrslukerfið,

SAMÞYKKT REGLUGERÐ ÞESSA:

1. gr.

Efni

Með þessari reglugerð er mælt fyrir um reglur um framkvæmd reglugerðar (EB) nr. 452/2008 að því er varðar söfnun, afhendingu og vinnslu hagskýrslugagna á sviði 1 um mennta- og starfsmenntakerfi.

2. gr.

Viðfangsefni sem eiga í hlut og einkenni þeirra

Setja skal val og lýsingu viðfangsefna, sem falla undir svið 1 um mennta- og starfsmenntakerfi, fram í I. viðauka, ásamt ítarlegri skrá um einkenni og sundurliðanir.

3. gr.

Viðmiðunartímabil og afhending niðurstaðna

1. Gögn um innritun, nýliða og starfsfólk skulu vísa til skólaársins, eins og það er skilgreint á innlendum vettvangi (ár $t/t + 1$). Senda skal framkvæmdastjórninni (Hagstofa Evrópusambandsins) ársöggn um innritun, nýliða og starfsfólk fyrir 30. september á árinu $t + 2$. Fyrsta afhending gagna í september 2014 skal vísa til skólaársins 2012/2013, eins og það er skilgreint á innlendum vettvangi.

(*) Þessi EB-gerð birtist í Stjtið. ESB L 252, 24.9.2013, bls. 5. Hennar var getið í ákvörðun sameiginlegu EES-nefndarinnar nr. 105/2014 frá 16. maí 2014 um breytingu á XXI. viðauka (Hagskýrslugerð) við EES-samninginn, biður birtingar.

(1) Stjtið. ESB L 145, 4.6.2008, bls. 227.

(2) Stjtið. ESB L 29, 3.2.2011, bls. 5.

2. Útskriftarnemar skulu vísa til skólaárs, eins og það er skilgreint á innlendum vettvangi (ár $t/t + 1$) eða almanaksárs (ár $t + 1$). Senda skal framkvæmdastjórninni (Hagstofu Evrópusambandsins) ársöggn um útskriftarnema árlega fyrir 30. nóvember á árinu $t + 2$.

3. Fyrsta afhending gagna um útskriftarnema (önnur en gögn um útskriftarnema sem höfðu verið gistinemar með hreyfanlegar námseiningar alla námsdvöl sína) skal fara fram í nóvember 2014 og vísa til skólaársins 2012/2013, eins og það er skilgreint á innlendum vettvangi, eða almanaksársins 2013.

4. Fyrsta afhending gagna um útskriftarnema, sem höfðu verið gistinemar með hreyfanlegar námseiningar alla námsdvöl sína, skal fara fram í nóvember 2017 og vísa til skólaársins 2015/2016, eins og það er skilgreint á innlendum vettvangi, eða almanaksársins 2016.

5. Hreyfanlegir háskólanemar/útskriftarnemar skulu, burtséð frá ríkisfangi, skilgreindir með upprunalandi (forgangur vegna fyrri menntunar, gagnvart búsetu, gagnvart ríkisfangi). Afhenda skal gögn um „hreyfanlega háskólanema/útskriftarnema“ fyrir 2016 með því að nota innlenda skilgreiningu á „upprunalandi“. Frá 2016 skal nota þá skilgreiningu á upprunalandi að þar eigi í hlut landið þar sem framhaldsskólaprófi var lokið eða besta innlenda mat.

6. Gögn um útgjöld vegna menntamála skulu vísa til fjárhagsárs aðildarríkisins, eins og það er skilgreint á innlendum vettvangi (ár t). Afhenda skal framkvæmdastjórninni (Hagstofu Evrópusambandsins) ársöggn um útgjöld vegna menntamála og fjölda háskólanema, þar sem umfangið er aðlagð hagskýrslum um útgjöld vegna menntamála á hverju ári, fyrir 30. nóvember á árinu $t + 2$. Fyrsta afhending gagna í nóvember 2014 skal vísa til fjárhagsársins 2012.

4. gr.

Kröfur um gæði gagna og skýrslugjafarramma

1. Kröfur um gæði gagna og skýrslur með staðalgæðum um mennta- og starfsmenntakerfi skulu vera eins og sett er fram í II. viðauka.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 23. september 2013.

2. Aðildarríki skulu á hverju ári afhenda framkvæmdastjórninni (Hagstofu Evrópusambandsins) skýrslu í staðalgæðum í samræmi við kröfurnar sem settar eru fram í II. viðauka. Afhenda skal skýrslur í staðalgæðum ásamt alþjóðlegu menntunarflokkuninni, samþætta við innlendar áætlanir, menntun og hæfi, með því að nota sniðið sem framkvæmdastjórnin (Hagstofa Evrópusambandsins) leggur til.

Fyrsta skýrslan skal vísa til gagnasöfnunarársins 2014 (skólaár 2012/2013). Afhenda skal framkvæmdastjórninni gæðaskýrsluna um viðmiðunartímabilin, sem mælt er fyrir um í 3. gr., fyrir 31. janúar á árinu $t + 3$.

3. Aðildarríki skulu afla nauðsynlegra gagna með samsetningu ýmissa heimilda, s.s. úrtakskannana, stjórnsýslugagna og annarra gagnalinda.

4. Aðildarríki skulu afhenda framkvæmdastjórninni (Hagstofu Evrópusambandsins) upplýsingar um aðferðirnar og gæði gagnanna frá öðrum heimildum en úrtakskönnunum og stjórnsýslugögnum sem um getur í 3. málsgrein.

5. gr.

Niðurfelling

Reglugerð (ESB) nr. 88/2011 er felld úr gildi.

6. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Fyrir hönd framkvæmdastjórnarinnar,

forseti.

José Manuel BARROSO

I. VIÐAUKI

Viðfangsefni sem eiga í hlut, ítarleg skrá um einkenni og sundurliðun þeirra

Gögn sem verða send eftir ISCED-stigum skulu vísa til alþjóðlegu menntunarflokkunarinnar 2011. Gera skal aðgreininguna milli stefnumiða fræðimanna og sérfræðinga (6. og 7. flokks alþjóðlegu menntunarflokkunarinnar á 2 stafa sundurliðunarstigi), sem hefur ekki verið nákvæmlega skilgreind í alþjóðlegu menntunarflokkuninni frá 2011 eins og aðildarríki að Menningarmálastofnun Sameinuðu þjóðanna samþykktu á 36. aðalráðstefnu sinni í nóvember 2011, í samræmi við ítarlegar leiðbeiningar fyrir gagnasöfnun Menningarmálastofnunar Sameinuðu þjóðanna/Efnahags- og framfarastofnunarinnar/Hagstofu Evrópusambandsins um menntakerfi.

Gögn sem afhent verða eftir „sviðum menntunar“ skulu vísa til „Handbókar um svið menntunar og þjálfunar, útgáfu frá 1999“ og flokkunarinnar í „Svið alþjóðlegu menntunarflokkunarinnar um menntun og þjálfun“ frá og með skólaárinu sem kemur í kjölfar samþykktar síðustu endurskoðuðu útgáfu þessarar flokkunar.

Gögn um innritun

- Fjöldi nema, sem innritaðir eru á ISCED-stig 0 – 8 (0. og 2. flokkur alþjóðlegu menntunarflokkunarinnar: 2 stafa sundurliðunarstig, 1. flokkur alþjóðlegu menntunarflokkunarinnar: 1 stafa sundurliðunarstig, 3. – 7. flokkur alþjóðlegu menntunarflokkunarinnar: 3 stafa sundurliðunarstig, 8. flokkur alþjóðlegu menntunarflokkunarinnar: 1 stafa sundurliðunarstig), tegund stofnunar (opinber eða í einkaeigu), þátttökustyrkur (fullt nám, hlutanám, ígildi fulls náms) og kynferði. Afhending gagna til 1. flokks alþjóðlegu menntunarflokkunarinnar er valkvæð,
- fjöldi nema, sem innritaðir eru á ISCED-stig 0 – 8 (0. og 2. – 5. flokkur alþjóðlegu menntunarflokkunarinnar: 2 stafa sundurliðunarstig, 1. og 6. – 8. flokkur alþjóðlegu menntunarflokkunarinnar: 1 stafa sundurliðunarstig), kynferði og aldur. Afhending gagna til 1. flokks alþjóðlegu menntunarflokkunarinnar er valkvæð. Afhending gagna fyrir 6. og 7. flokk alþjóðlegu menntunarflokkunarinnar með 2 stafa sundurliðunarstigi er valkvæð,
- fjöldi nema, sem innritaðir eru á ISCED-stig 3 – 8 (ISCED-stig 3 og 4: aðeins starfsþjálfun, 5. flokkur alþjóðlegu menntunarflokkunarinnar: 2 stafa sundurliðunarstig, ISCED-stig 6 – 8: 1 stafa sundurliðunarstig), svið menntunar (3. sundurliðunarstig) og kynferði. Afhending gagna fyrir 6. og 7. flokk alþjóðlegu menntunarflokkunarinnar með 2 stafa sundurliðunarstigi er valkvæð,
- fjöldi nema sem innritaðir eru í „sameinaðar náms- og vinnuáætlanir“ frá ISCED-stigum 3 – 5, aðeins starfsþjálfun, tegund stofnunar (opinber eða í einkaeigu), þátttökustyrkur (fullt nám, hlutanám, ígildi fulls náms) og kynferði,
- fjöldi háskólanema sem innritaðir eru á ISCED-stig 0 – 8 (alþjóðlega menntunarflokkunin 0 og 2 – 5: 2 stafa sundurliðunarstig, 1. og 6. – 8. flokkur alþjóðlegu menntunarflokkunarinnar: 1 stafa sundurliðunarstig), flokkun hagskýrslusvæða 2⁽¹⁾ svæði og kynferði. Afhending gagna til 1. flokks alþjóðlegu menntunarflokkunarinnar er valkvæð,
- samanlagður fjöldi háskólanema, sem innritaðir eru í ISCED-stig 0 – 8, samkvæmt flokkun hagskýrslusvæða 2⁽³⁾ eftir svæðum, kynferði og aldri,
- fjöldi háskólanema, sem innritaðir eru á ISCED-stig 1 – 3 (1. og 2. flokkur alþjóðlegu menntunarflokkunarinnar: 1 stafa sundurliðunarstig, 3. flokkur alþjóðlegu menntunarflokkunarinnar: 2 stafa sundurliðunarstig) og erlent nútímamál sem numið var,
- fjöldi háskólanema, sem innritaðir eru á ISCED-stig 1 – 3 (1. og 2. flokkur alþjóðlegu menntunarflokkunarinnar: 1 stafa sundurliðunarstig, 3. flokkur alþjóðlegu menntunarflokkunarinnar: 2 stafa sundurliðunarstig) og fjöldi erlendra nútímamála sem numin voru.

Gögn um nýliða

- Fjöldi nýliða, sem innritaðir eru á ISCED-stig 3 – 8 (3. – 5. flokkur alþjóðlegu menntunarflokkunarinnar: 2 stafa sundurliðunarstig, 6. – 8. flokkur alþjóðlegu menntunarflokkunarinnar: 1 stafa sundurliðunarstig), kynferði og aldur. Afhending gagna fyrir 6. og 7. flokk alþjóðlegu menntunarflokkunarinnar með 2 stafa sundurliðunarstigi er valkvæð,
- fjöldi nýliða, sem innritaðir eru á ISCED-stig 3 – 8 (ISCED-stig 3 og 4: aðeins starfsþjálfun, 5. flokkur alþjóðlegu menntunarflokkunarinnar: 2 stafa sundurliðunarstig, 6. – 8. flokkur alþjóðlegu menntunarflokkunarinnar: 1 stafa sundurliðunarstig), kynferði og svið menntunar (2. sundurliðunarstig). Afhending gagna fyrir 6. og 7. flokk alþjóðlegu menntunarflokkunarinnar með 2 stafa sundurliðunarstigi er valkvæð.

Gögn um hreyfanleika háskólanema

- Fjöldi hreyfanlegra háskólanema, sem innritaðir eru eftir ISCED-stigum 5 – 8 (1 stafa sundurliðunarstig), sviði menntunar (3. sundurliðunarstig) og kynferði,
- fjöldi hreyfanlegra háskólanema, sem innritaðir eru eftir ISCED-stigum 5 – 8 (1 stafa sundurliðunarstig), upprunalandi og kynferði,
- fjöldi af gráðum hreyfanlegra útskriftarnema, sem innritaðir eru eftir ISCED-stigum 5 – 8 (1 stafa sundurliðunarstig), upprunalandi og kynferði. Afhending gagna fyrir 5. flokk alþjóðlegu menntunarflokkunarinnar með 2 stafa sundurliðunarstigi er valkvæð,

(1) Flokkun hagskýrslusvæða stig 2 gildir um öll lönd nema Þýskaland og Bretland (flokkun hagskýrslusvæða stig 1).

- fjöldi útskriftarnema, sem höfðu verið gistinemar með „hreyfanlegar námseiningar“ í þrjá mánuði hið minnsta á námstíma sínum, eftir ISCED-stigum 5 – 8 (1 stafa sundurliðunarstig) og tegund hreyfanleikaáætlunar (ESB-áætlanir, aðrar alþjóðlegar/innlendar áætlanir, aðrar áætlanir). Afhending gagna fyrir 5. flokk alþjóðlegu menntunarflokkunarinnar með 2 stafa sundurliðunarstigi er valkvæð. Afhending gagna til frekari sundurliðunar eftir tegundum hreyfanleika (námstímabil, starfsþjálfunarstöðvar) er valkvæð.
- fjöldi útskriftarnema sem höfðu verið gistinemar með „hreyfanlegar námseiningar“ í þrjá mánuði hið minnsta á námstíma sínum, eftir ISCED-stigum 5 – 8 (1 stafa sundurliðunarstig) og viðtökuland. Afhending gagna fyrir 5. flokk alþjóðlegu menntunarflokkunarinnar með 2 stafa sundurliðunarstigi er valkvæð. Afhending gagna til frekari sundurliðunar eftir tegundum hreyfanleika (námstímabil, starfsþjálfunarstöðvar) er valkvæð.
- valkvæð afhending gagna um fjölda útskriftarnema, sem höfðu verið gistinemar með „hreyfanlegar námseiningar“ í mesta lagi þrjá mánuði á námstíma sínum, eftir ISCED-stigum 5–8 (5. flokkur alþjóðlegu menntunarflokkunarinnar: 2 stafa sundurliðunarstig, 6. – 8. flokkur alþjóðlegu menntunarflokkunarinnar: 1 stafa sundurliðunarstig), viðtökuland og tegund hreyfanleika (námstímabil, starfsþjálfunarstöðvar).

Gögn um útskriftarnema

- Fjöldi útskriftarnema, eftir ISCED-stigum 3 – 8 (3. – 7. flokkur alþjóðlegu menntunarflokkunarinnar: 3 stafa sundurliðunarstig, 8. flokkur alþjóðlegu menntunarflokkunarinnar: 1 stafa sundurliðunarstig), kynferði og aldur,
- fjöldi útskriftarnema, eftir ISCED-stigum 3 – 8 (ISCED-stig 3 og 4: aðeins starfsþjálfun, 5. flokkur alþjóðlegu menntunarflokkunarinnar: 2 stafa sundurliðunarstig, 6. – 8. flokkur alþjóðlegu menntunarflokkunarinnar: 1 stafa sundurliðunarstig), svið menntunar (3. sundurliðunarstig) og kynferði. Afhending gagna fyrir 6. og 7. flokk alþjóðlegu menntunarflokkunarinnar með 2 stafa sundurliðunarstigi er valkvæð.

Gögn um starfsfólk

Afhenda skal gögn um kennara, eftir ISCED-stigum 0 – 4 með eftirfarandi sundurliðun: 0. flokkur alþjóðlegu menntunarflokkunarinnar: 2 stafa sundurliðunarstig, 1. og 2. flokkur alþjóðlegu menntunarflokkunarinnar: 1 stafa sundurliðunarstig, 3. og 4. flokkur alþjóðlegu menntunarflokkunarinnar: 2 stafa sundurliðunarstig. Afhenda skal gögn um starfsfólk menntastofnana eftir samanlögðum 5. – 8. flokki alþjóðlegu menntunarflokkunarinnar. Afhending gagna til 1. flokks alþjóðlegu menntunarflokkunarinnar er valkvæð. Afhending samanlagðra gagna um fræðimenn fyrir 5. – 8. flokk alþjóðlegu menntunarflokkunarinnar og samanlögð ISCED-stig 5 – 8 sérfræðinga er valkvæð:

- fjöldi kennara (eftir ISCED-stigum 0 – 4) og starfsfólks menntastofnana, eftir kynferði og aldursflokkum,
- fjöldi kennara (eftir ISCED-stigum 0 – 4) og starfsfólks menntastofnana, eftir tegundum stofnana (opinber eða í einkaeigu), atvinnustaða (fullt starf, hlutastarf, ígildi fulls starfs) og kynferði,
- fjöldi háskólanema, sem innritaðir eru með aðlögun við gögn um starfsfólk kennslustofnana, á ISCED-stigum 0 – 8 (0., 3. og 4. flokkur alþjóðlegu menntunarflokkunarinnar: 2 stafa sundurliðunarstig, 1. og 2. flokkur alþjóðlegu menntunarflokkunarinnar: 1 stafa sundurliðunarstig, samanlagðir 5. – 8. flokkur alþjóðlegu menntunarflokkunarinnar), tegund stofnunar (opinber eða í einkaeigu), þáttökustyrkur (fullt starf, hlutastarf, ígildi fulls starfs). Afhending gagna til 1. flokks alþjóðlegu menntunarflokkunarinnar er valkvæð. Afhending samanlagðra gagna um fræðimenn fyrir 5. – 8. flokk alþjóðlegu menntunarflokkunarinnar og samanlögð ISCED-stig 5 – 8 sérfræðinga er valkvæð,
- valkvæð afhending gagna um fjölda starfsmanna í stjórnunarstöðum á skólastigi eftir ISCED-stigum 0 – 3 (1 stafa sundurliðunarstig), atvinnustaða (fullt starf, hlutastarf, ígildi fulls starfs) og kynferði.

Gögn um útgjöld til menntamála og fjölda háskólanema þar sem umfangið er aðlagð útgjöldum til menntamála

Afhenda skal gögn um útgjöld til menntamála og fjölda háskólanema þar sem umfangið er aðlagð hagskýrslum um útgjöld vegna menntamála fyrir ISCED-stig 0 – 8 í samræmi við eftirfarandi sundurliðun: 0. flokkur alþjóðlegu menntunarflokkunarinnar: 2 stafa sundurliðunarstig (valkvæður 1. flokkur alþjóðlegu menntunarflokkunarinnar), 1. og 2. flokkur alþjóðlegu menntunarflokkunarinnar: 1 stafa sundurliðunarstig, samanlagðir 3. og 4. flokkur alþjóðlegu menntunarflokkunarinnar við 2 stafa sundurliðunarstig (almennt stig, starfsþjálfunarstig), 5. flokkur alþjóðlegu menntunarflokkunarinnar: 1 stafa sundurliðunarstig, samanlagðir 6. – 8. flokkur alþjóðlegu menntunarflokkunarinnar. Afhending samanlagðra gagna um fræðimenn fyrir 5. – 8. flokk alþjóðlegu menntunarflokkunarinnar og ISCED-stig 5 – 8 samanlagðra sérfræðinga eru valkvæð. Valkvæð sundurliðun er fyrir öll gögn um útgjöld til menntamála fyrir einkareknar stofnanir yfir í einkareknar stofnanir á framfæri hins opinbera og sjálfstæðar einkareknar stofnanir. útgjöld vegna rannsókna og þróunar gilda aðeins um háskólastig:

- útgjöld vegna menntamála eftir ISCED-stigi, uppruni fjármagns og tegund færslna:
 - uppruni útgjalda: útgjöld hins opinbera (miðlæg, svæðisbundin og staðbundin), fjármunir frá alþjóðlegum stofnunum og öðrum erlendum aðilum, útgjöld við heimilishald og vegna annarra einkaaðila,
 - tegundir færslna fyrir útgjöld hins opinbera: bein útgjöld vegna opinberra stofnana, bein útgjöld vegna einkarekinna stofnana, heildartala beinna útgjalda fyrir allar tegundir menntastofnana (þar af: bein

- útgjöld vegna fjármagns, hliðarstarfsemi eða vegna rannsóknar- og þróunarstarfa), yfirfærslur (hreinar) til héraðsstjórna, yfirfærslur (hreinar) til sveitarfélaga, námsstyrkir og aðrir styrkir til háskólanema/heimila, námslán, yfirfærslur og greiðslur til annarra einkarekinna stofnana,
- tegundir færslna á fjármunum frá alþjóðlegum stofnunum og öðrum erlendum aðilum: beinar alþjóðlegar greiðslur til allra tegunda stofnana (þar af: greiðslur vegna útgjalda til rannsókna og þróunar), yfirfærslur frá alþjóðlegum aðilum til allra stiga hins opinbera; valkvæðar: beinar alþjóðlegar greiðslur til einkarekinna stofnana, yfirfærslur frá alþjóðlegum aðilum til ríkisstjórna, héraðsstjórna og sveitarstjórna,
 - tegundir færslna vegna útgjalda heimila: greiðslur (hreinar) til opinberra stofnana, greiðslur (hreinar) til einkarekinna stofnana, greiðslur fyrir kennsluefni og þjónustu, aðra en til kennslustofnana; valkvæðar: gjöld greidd til stofnana fyrir hliðarstarfsemi, greiðslur fyrir vörur sem kennslustofnanir höfðu óskað eftir, beint eða óbeint, greiðslur fyrir vörur sem komu ekki beinlínis að notum við þátttökuna, greiðslur vegna einkakennslu,
 - tegundir færslna fyrir útgjöld annarra einkaaðila: greiðslur til opinberra stofnana, greiðslur til einkarekinna stofnana, greiðslur til allra tegunda stofnana (þar af: greiðslur til annarra einkaaðila fyrir útgjöld vegna rannsókna og þróunar), námsstyrkir og aðrir styrkir til háskólanema/heimila, námslán; valkvæðar: greiðslur til einkafyrirtækja fyrir sérstaka kennslustarfsemi, gjöld greidd til stofnana fyrir hliðarstarfsemi,
 - útgjöld vegna menntamála eftir ISCED-stigi, eðlis- og tekjuflokki. Eðli útgjalda: útgjöld opinberra stofnana og einkarekinna stofnana. Tekjuflokkar: núverandi útgjöld vegna þóknunar starfsfólks, önnur núverandi útgjöld, útgjöld vegna fjármagns, aðlaganir vegna breytinga á tekjuafgangi, útgjöld vegna hliðarstarfsemi og rannsóknar- og þróunarstarfa. Til er valkvæð sundurliðun á núverandi útgjöldum vegna þóknunar starfsfólks: kennarar, annað starfsfólk sem sinnir kennslustörfum, stjórnun, sérfræðistörfum og stuðningsverkum, laun, útgjöld vegna eftirlauna, önnur þóknun sem fellur ekki undir laun,
 - fjöldi nemenda þar sem umfangið er aðlagð hagskýrslum um útgjöld vegna menntamála fyrir ISCED-stig, tegund stofnunar og þátttökustyrk. Tegundir stofnana: opinberar stofnanir og einkareknar stofnanir. Þátttökustyrkur: fullt nám, hlutanám, ígildi fulls náms.
-

*II. VIÐAUKI***Kröfur um gæði gagna og staðalgæði skýrslugjafar****Kröfur um gæði gagna**

Kröfur um gæði gagna fyrir gögn um mennta- og starfsmenntakerfi vísa til gæðastaðla evrópska hagskýrslukerfisins⁽¹⁾ sem ná yfir mikilvægi, nákvæmni, tímanleika og stundvísi, aðgengi og skýrleika, samanburðarhæfi og samræmi.

Gögnin skulu einkum fylgja skilgreiningum og hugtökum, eins og þau koma fyrir í ítarlegum leiðbeiningum fyrir gagnasöfnun Menningarmálastofnunar Sameinuðu þjóðanna/Efnahags- og framfarastofnunarinnar/Hagstofu Evrópusambandsins um menntakerfi.

Stöðluð skýrsla um gæði gagna

Framkvæmdastjórnin (Hagstofa Evrópusambandsins) skal á hverju ári afhenda aðildarríkjunum staðlaða skýrslu um gæði gagna, með þriggja mánaða fyrirvara fyrir afhendingarfrestinn, sem um getur í 2. mgr. 4. gr., að hluta til útfyllta fyrirfram með upplýsingum sem framkvæmdastjórnin (Hagstofa Evrópusambandsins) hafði þegar undir höndum. Aðildarríkin skulu láta framkvæmdastjórninni (Hagstofu Evrópusambandsins) í té fullgerðu gæðaskýrslurnar sem um getur í 2. mgr. 4. gr.

Staðlaða skýrslan um gæði gagna skal skjalfesta hlítinu við þætti er varða mikilvægi, nákvæmni, tímanleika og stundvísi, aðgengi og skýrleika, samanburðarhæfi og samræmi.

Skýrslan um gæði gagna skal einkum skjalfesta hlítinu á skilgreiningum og hugtökum eins og þau voru nefnd í ítarlegum leiðbeiningum fyrir gagnasöfnun Menningarmálastofnunar Sameinuðu þjóðanna/Efnahags- og framfarastofnunarinnar/Hagstofu Evrópusambandsins um menntakerfi.

Skjalfesta og útskýra skal frávik, og ákveða fjölda þeirra ef unnt er, frá skilgreiningum og hugtökum eins og þau voru nefnd í ítarlegum leiðbeiningum fyrir gagnasöfnun Menningarmálastofnunar Sameinuðu þjóðanna/Efnahags- og framfarastofnunarinnar/Hagstofu Evrópusambandsins um menntakerfi.

Aðildarríki skulu einkum láta í té lýsingu á heimildum sem notaðar voru á því breytustigi sem lýst er í I. viðauka, og notkun áætlana og endurskoðana skal greinilega auðkennd á stigi taflna og sundurliðana.

⁽¹⁾ Evrópska hagskýrslukerfið.